

武定府志



重修武定府志序

武郡舊有志歷百年而未修其中應增補者網羅散失採訪纂難且舊志譌謬頗多上下千古操觚良未易易余初聞太守之修志而不勝其喜也余今聞郡

志之藏事而尤不勝喜其成之速也太守舊六月抵任竭周歲之力應損者損之應益者益之非素優於其事者豈能臻此燦然大備乎余於是取舊志與新志而細校之如選舉門舊志主

合眉目不清新志主分瞭如指
掌十屬之總列何如十屬之分
叙爲最明朗也其餘各門條分
縷晰參互攷訂辨厥疑譌居然
爲一郡大觀況未設局延賓只
以太守一人手定而殫厥成功

絕無遺憾其功尤有倍於前賢
萬萬者欽佩奚似書成問序於
余余嘉太守之勤於吏治而知
所先務也爰樂得而爲之序

咸豐九年歲次己未九月朔日

誥授光祿大夫階振威將軍兵部侍

郎兼都察院右副都御史巡撫
山東等處地方督理營田兼提
督銜節制全省軍務督理臨關
稅務兼理鹽政

賞戴花翎覺羅崇恩撰

重修武定府志序

志者史家之流然史記其大而畧其細志則纖悉畢具凡一方疆域形勢城池田賦學校營制風俗人物一切因革損益源流本末無不博考詳稽以爲一方

武定府志

序

四

之典策使官斯土者得有所據以爲因地制宜之政此濟世之君子所爲必盡心者也今使人之爲政履其地而不洞悉其利病將山川險要人情強弱之不知風俗物產農田水利城郭學

校兵賦之不悉循吏名儒忠義
節烈貞孝之不聞則無以興文
教敷善政以爲流風遺韻是固
本務之不明儻亦平時之不素
講習然耶予承宣東土江右李
君芸渠來守武定武定自雍正

時升州爲府領九縣一州屹然
爲東土一大郡乾隆己卯太守
赫君實始創修府志迄今百載
歲月旣久遺佚漸多李君念觀
往所以察來文獻無徵何以善
其政教乃博搜遐採辨誤補遺

期年而書成比舊志益詳且精
焉李君問序于予予忝有布化
之責喜李君爲政能探其本足
輔予之不逮其書關於實用有
合於古人濟世之事爰秉筆而
爲之序時

咸豐九年歲次己未九月朔日
誥授通奉大夫山東等處承宣布政
使司布政使加三級吳廷棟撰

重修武定府志自序
郡之有志尚矣然有志
而殘缺不全湯漉過半
則有志一如無志也有
志而攷核不真前後

互異則有志不如無志
也審是而志之宜修
之宜慎也明矣武定郡
舊有志初自乾隆二十
四年迄今百載惜表帙

缺半訛謬迭出不增修
而詳辨之其何以信今
而傳後乎予初任秦再
任滇所歷各郡皆為纂
修志書以備觀覽今戊

武定府志

序

二

午奉

命來守武郡下車後取舊

志閱之只見其缺而未
知其悞也久而知之知
之而悉為正之然正之

而不明指生悞則人將
以予為悞矣但予之修
星志也年久而採訪
維艱傳聞各異重之
文獻無徵雖審之又審

竭周歲之力而告厥成
保無有遺漏者乎星在
大雅君子入而正告之用
以補生缺刊生悞是則
予之所厚望也夫星為

序

咸豐九年歲次己未夏

五穀旦

賜進士出身

誥授朝議大夫山東武定

武定府志

序

四

府知府煙瘴俸泐候

陞前吏科給事中掌廣

西道監察御史翰林院

編修江右李熙齡撰



武定府志舊序

東省憑負山海拱揖

神京

聲教之所涵濡較他省爲密邇而武定實首東漸且距
興京相望止五百里尤

皇化始基之地也往者

朝廷議修一統志檄天下郡邑各爲成書以獻是時武
定猶隸濟南未有專志自升府以來屹然爲一大郡領
州縣者十其間方域戶口吏治民風間有歧異使非提
其要以著明之將使後來者渺焉難稽抑何所資以爲

武定府志

舊序

一

風厲之具故論東省志乘在武定爲尤急昔考亭朱子
守郡每下車輒索觀志乘以鏡土俗驗民風汲汲焉惟
恐或後誠以此爲政治之要故志爲郡邑之史不可闕
如而尤宜考訂明確以信今而傳後甚矣秉筆之難也
余官沛上於武郡嘗數至單車戒途周覽旁瞻竊見屬
邑胥各有志而郡志則未之見不能無慨於中維時太
守赫君守茲土已十年所矣詢之則具道其不敢緩而
有所待之故蓋始以蒞任未久不克周知其槩及一切
利弊之當乘除者且各屬志雖具而踈漏漫漶龐雜不
倫所在多有比復連歲不登吏方拊循撙節之不遑奚

暇及此今幸際豐稔當休養生息之時可以舉此而又
慮夫采輯之難其人恐徒托諸空言不獲見之行事或
文獻無徵載之編簡微特無裨地方且將貽誤來者故
遲久而未舉也余臆太守鄭重之意遠通家子莊孝廉
肇奎來因屬太守俾任編輯逾年告成以書畱余紬繹
之而歎其書之精而賅博而不雜凡是非得失兵農賦
役瞭若指掌益見太守之明於體治知人善任孝廉之
秉筆不爽而上有合乎朱子之遺意更足以紀

聖澤之旁敷備茲邦之掌故也爰喜而爲之序

特授總理省直山東等處兼轄江南河南鳳徐歸三府

武定府志

舊序

二

屬各州縣都轉鹽運使司鹽運使兼鹽法道加一級紀
錄六十一次古歛胡寶琳撰

武定府志舊序

乾隆戊寅秋余奉

命陳臬山左卽聞武定創修府志深喜太守之能舉廢墜日冀其成而尤恐其成之速也聞之謀事者有其基則爲之也事半功倍余僂指十七年間四至齊魯凡郡邑修志不以余寡陋咸來問得失余得而悉讀之然或因舊稿散軼或因文獻未脩踵事增華而已若武定自憲廟時升州爲府歷有年所未聞有志鉅典闕如今聖天子表正萬方凡民間殊俗異宜罔不盡心體恤二東爲畿南近輔

武定府志

舊序

三

東巡守則當彙諸郡志以獻詎可獨遺茲郡余故日望其成也然因易創難郡故無乘欲上下千古網羅舊聞計惟聚諸隸邑之志加以採掇羣書參互考訂庶幾可會其全抑是郡各屬之志半葺自明神宗時餘亦

國初所纂其間變遷登耗之不一忠孝廉節之就湮者度不能更僕數使非遲之歲月則倉卒成書或爲一時塗澤具余故又恐其成之速也廼越朞年始藏事以其稿眎余余喜是書之精贍是非進退具合體製竊念是邦地鳥鹵而曠戶口寡且貧幸其俗素樸寔禮教是敦茅焦忠直著跡先秦李唐徐文亮任敬臣之孝友首陽

醇風此後絡繹登青簡者不絕宋胡旦嗜書篤學撰述
鴻富劉蒙以不行新法去官學者稱正思先生且不屑
以雕蟲見古貞女蒲氏三姑臺拂雲並峙此都士女偉
烈懿徽輝映於海山嵐翠間至我

朝景運蔚興李文襄公之芳崛起茲土柱礎巖廊光昭
鉉業當爲浙閩制府時三葉蠡動坐扼衢門從容戡定
纖塵不驚吾鄉邦寔受其福武功與信城浮囊口爭烈
而輯甯有加焉光氣所騰足還千百載泱泱舊觀司牧
者撫喬木鬱葱按志乘暉曜使風軌日上則太守編纂
之功豈僅修舉廢墜已哉

武定府志

舊序

四

乾隆二十四年己卯中秋日

賜博學宏詞出身通議大夫山東按察使仁和沈廷芳
謹撰

武定府志舊序

余於己巳之夏捧檄來守是邦下車察民疾苦時適游飢老弱凋瘵人不暇讀書而獄訟日繁余乃愀然改容亟索郡乘欲以知風會之變遷物力之登耗因而撫之以悉民隱也乃以陞府未幾志乘闕焉而各屬志半又輯自前明予不敏奉

命以知是府則是府之如何生聚如何教訓如何修舉其利而除其爲民蠹者當無不知不有成書何以列眉指掌瞭然於求治者之心哉會以旱潦疊告民力耗疲方比戶撫綏之是亟未遑與諸牧令襄此舉也自己迄

武定府志

舊序

五

寅十歷寒暑與民休息以

天子之仁聖諸大憲之廉明武郡僻區亦獲與乎物阜民安之盛予得與吾屬吾民共相忘於至治而曩者之隱願蓋躍然起矣我

國家休養百餘年生齒殷劇郡縣增置罔不因時制宜雍正間以州爲府割濟南之青城及濱州暨所屬隸之一切規制煥倍疇曩則郡志之宜有尤汲汲也爰合諸牧令而告之曰予承乏於茲久矣訖無政聲以爲諸君先然武定地澤鹵人民寡甯損上毋損下甯便民毋便官宜安靜不宜紛更予將辨其形勝土俗之實詳其地

廢得失之由以告後之來蒞茲土者於是設局延賓師
取各邑乘以芟其疑似踳駁而臚其次第踰年而志成
惟濱海之地艱於購書各舊志無善本且或百餘年或
數十年來其間文殘獻闕罔有根據攬摭所及不幾如
陸務觀之記蜀楊用修之記滇疑襄沈亞之于思容之
記齊魯疑隘乎而予均有所弗遑恤者誠恐愈久愈湮
剗剗益漫漶傳聞益繁蕪使後之人追悵前之人而執
簡懷槧茫無所依余又烏能追其咎戾耶蓋志成而余
之初志慰矣觀戶口日以殷盛知老者壽康少無夭札
也觀風俗日以淳龐知民無健訟官有廉隅也觀學校

武定府志

舊序

六

人物日以振興知戶說詩書家敦禮樂也雖然比者獲
邀福於天久無饑饉憂我邦之人豆飯藿羹可鼓腹以
嬉耳夫瘠壤少蓋藏豐稔不可恃宜仰承

聖天子憂勤民瘼之心庶幾夙夜以永天庥余願與牧
令諸君共凜此意毋失也 時

大清乾隆二十四年歲次己卯嘉平穀旦中憲大夫知
武定府事長白赫達色謹撰